

Na osnovu člana 16. stav 4. Zakona o Vladi Zeničko-dobojskog kantona ("Službene novine Zeničko-dobojskog kantona", broj 7/10), a u vezi sa članom 41. stav 4. i članom 49. stav 1. Zakona o izvršavanju Budžeta Zeničko-dobojskog kantona za 2013. godinu ("Službene novine Zeničko-dobojskog kantona", broj 19/12), Vlada Zeničko-dobojskog kantona, na prijedlog Ministarstva za poljoprivredu, šumarstvo i vodoprivredu, na 109. sjednici, održanoj 25.04.2012. godine, d o n o s i

ZAKLJUČAK

o donošenju Programa utroška sredstava u razdjelu 23, budžetska organizacija 01, potrošačka jedinica 0001, Budžeta Zeničko-dobojskog kantona za 2013. godinu, pozicija «Namjenska sredstva za finansiranje projekata iz sredstava posebnih vodnih naknada»

I.

Donosi se Program utroška sredstava u razdjelu 23, budžetska organizacija 01, potrošačka jedinica 0001, ekonomski kod 614400, subanalitika NAD 403, pozicija «Namjenska sredstva za finansiranje projekata iz sredstava posebnih vodnih naknada», Budžeta Zeničko-dobojskog kantona za 2013. godinu, u iznosu od 6.000.000,00 KM (slovima: šestmiliona konvertibilnih maraka), pod nazivom „Program utroška sredstava vodnih naknada za 2013. godinu“, koji čini sastavni dio ovog zaključka.

II.

Sredstva planirana Budžetom Kantona za namjene predviđene ovim Zaključkom, realizovat će se isključivo u skladu sa realizacijom ostvarenih javnih prihoda u Budžetu Kantona, planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, te u skladu sa utvrđenim ukupnim nivoima do kojih se za pojedini mjesec od strana Vlade Kantona odobre mjesečni operativni budžeti svim budžetskim korisnicima, osim u slučajevima odobrenim posebnim aktom Vlade.

III.

Zadužuju se Ministarstvo za poljoprivredu, šumarstvo i vodoprivredu i Ministarstvo finansija da realizuju ovaj zaključak u skladu sa zakonom i podzakonskim aktima, svako u okviru svojih nadležnosti.

IV.

Zaključak stupa na snagu danom donošenja.

Broj: 02-_____/13

Datum, 25.04.2013. godine

Z e n i c a

PREMIJER

mr.sci. Fikret Plevljak, dipl.ing.

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Ministarstvo finansija,

1x a/a.

BOSNA I HERCEGOVINA
Federacija Bosne i Hercegovine
ZENIČKO-DOBOJSKI KANTON

**MINISTARSTVO ZA POLJOPRIVREDU,
ŠUMARSTVO I VODOPRIVREDU**



**PROGRAM UTROŠKA SREDSTAVA VODNIH NAKNADA
ZA 2013. GODINU**

ZENICA, APRIL 2013. GODINE

I ZAKONSKI OSNOV ZA DONOŠENJE PROGRAMA UTROŠKA SREDSTAVA VODNIH NAKNADA ZA 2013.GODINU

Zakonski osnov za donošenje Programa utroška sredstava vodnih naknada za 2013. godinu je sadržan u članu 178. Zakona o vodama ("Službene novine Federacije BiH", broj: 70/06) i članu 125. Zakona o vodama Zeničko-dobojskog kantona ("Službene novine Zeničko-dobojskog kantona", broj: 17/07), te u članu 41. stav 4. Zakona o izvršavanju Budžeta Zeničko-dobojskog kantona za 2013. godinu („Službene novine Zeničko-dobojskog kantona“, broj: 19/12), kojim je utvrđeno da će se navedena sredstava koristiti u skladu sa programom utroška kojeg donosi Vlada Kantona, a u članu 49. stav 1. je utvrđeno da nadležno ministarstvo predlaže Vladi Kantona program utroška sredstava iz člana 41. istog zakona.

Budžetom Zeničko-dobojskog kantona za 2013. godinu („Službene novine Zeničko-dobojskog kantona“, broj: 19/12) u razdjelu 23, budžetska organizacija 01, potrošačka jedinica 0001, ekonomski kod 614400, subanalitika NAD 403, Pozicija «Namjenska sredstva za finansiranje projekata iz sredstava posebnih vodnih naknada», predviđena su sredstva u iznosu od 6.000.000,00 KM (šestmiliona konvertibilnih maraka).

U vezi sa navedenim, Ministarstvo za poljoprivredu, šumarstvo i vodoprivredu (u daljem tekstu: Ministarstvo) predlaže program utroška sredstava za navedenu poziciju, pod nazivom „Program utroška sredstava vodnih naknada za 2013. godinu“ (u daljem tekstu: Program).

Federalnim Zakonom o vodama („Službene novine Federacije BiH“, broj: 70/06) u članu 177. utvrđena je raspodjela prihoda od prikupljene opće vodne naknade i posebnih vodnih naknada, kao i prihoda prikupljenih na osnovu zakupa javnog vodnog dobra na površinskim vodama I. kategorije na području Kantona, u slijedećem omjeru:

- nadležnoj agenciji za vode	40%
- u korist budžeta kantona	45%
- u korist Fonda za zaštitu okoliša Federacije	15 %

Istim Zakonom utvrđeno je da prihodi od zakupa javnog vodnog dobra na površinskim vodama II. kategorije u cjelosti pripadaju budžetu kantona.

Prema Zakonu o vodama, sredstva vodnih naknada su strogo namjenska sredstva, a prihodi koji pripadaju kantonu usmjeravaju se na osnovu godišnjeg plana i programa kantonalnog ministarstva nadležnog za vode, u namjene iz člana 14. Zakona – zaštitne objekte, objekte za odvodnjavanje, objekte za iskorištavanje voda, te objekte za zaštitu voda od zagađivanja, kao i ostale aktivnosti vezane za poslove upravljanja vodama (izrada tehničke dokumentacije, podloga za izdavanje koncesija i dr.), u skladu sa članom 178. Zakona o vodama („Službene novine FBiH“, broj: 70/06), odnosno članom 125. Zakona o vodama („Službene novine Zeničko-dobojskog kantona“, broj: 17/07).

Zakonom o vodama („Službene novine Zeničko-dobojskog kantona“, broj: 17/07) u članu 121. svi poslovi vezani za upravljanje vodama na području Kantona, uključujući i vršenje svih stručno-tehničkih poslova vezanih za pripremu i realizaciju Programa ulaganja sredstava vodnih naknada u oblast vodoprivrede, stavljeni su u nadležnost Ministarstva za poljoprivredu, šumarstvo i vodoprivredu.

II OBIM PLANIRANIH ULAGANJA I NAČIN REALIZACIJE

Ukupna sredstava planirana u Budžetu Kantona za 2013. godinu na navedenoj poziciji iznose 6.000.000,00 KM. S obzirom da su u pitanju namjenska sredstva, planirani iznos sadrži i neutrošena sredstva iz prethodnog perioda. Ukoliko se uzme u obzir i priliv sredstava vodnih naknada u 2013. godini, može se očekivati veći iznos po ovom osnovu, tako da su sredstva

planirana u Budžetu za 2013. godinu potpuno realna i raspoloživa za utrošak, prema izvještajima Ministarstva finansija o mjesečnom prilivu sredstava vodnih naknada.

Ulaganja sredstava opće i posebnih vodnih naknada planirana su u skladu sa Strategijom upravljanja vodama 2010.-2022. godine (Plan realiziranja mjera za dostizanje ciljeva upravljanja vodama) i Strategijom razvoja Zeničko-dobojskog kantona za period 2010.-2020. godina (tačka 3.2.2 Razvoj regionalne infrastrukture na osnovu potreba lokalne zajednice), za realiziranje projekata i aktivnosti od značaja za Kanton, za finansiranje poslova i zadataka iz oblasti vodoprivrede stavljenh u nadležnost Ministarstva, te za izgradnju i rekonstrukciju vodnih objekata, kao i za izradu tehničke dokumentacije u dijelu upravljanja vodama za vodne objekte od općinskog značaja.

Raspodjela raspoloživih sredstava za projekte od općinskog značaja izvršena je na osnovu iskazanih prioriteta od strane Općina, dostavljenih na zahtjev Ministarstva poljoprivrede, šumarstva i vodoprivrede, uz analizu ostvarenih prihoda i ulaganja sredstava vodnih naknada u periodu 1999.-2011. godine, razvijenosti vodne infrastrukture na području općine, te usaglašavanje raspodjele raspoloživih sredstava po projektima sa odgovornim predstavnicima općina.

Programom su planirani prioritetni projekti koji su u fazi realizacije (ranije započeti), koje sufinansiraju donatori, kreditori ili drugi subjekti, koji postižu najveće efekte na području gdje se realizuju, kao i projekti koji imaju veći stepen vlastitog učešća, prema kriterijima propisanim Odlukom o kriterijima za utvrđivanje prioriteta projekata iz oblasti upravljanja vodama od općinskog značaja za program utroška sredstava vodnih naknada za 2013. godinu („Službene novine Zeničko-dobojskog kantona“, broj: 1/13). Za finansiranje, odnosno sufinansiranje radova uslovljeno je raspolaganje tehničkom dokumentacijom i izjavom da su na trasi, odnosno lokaciji izvođenja radova riješeni imovinsko-pravni odnosi.

Realiziranje projekata predviđenih Programom ulaganja sredstava vodnih naknada vršit će se nakon provedene procedure javne nabavke te za radove, na osnovu rješenja o odobrenju za građenje, u skladu sa propisima koji regulišu ovu oblast i u skladu sa zakonskom nadležnosti.

Shodno traženom ispunjavanju uslova za kandidovanje projekata od strane općina, stručna služba Ministarstva izvršila je analizu prijedloga, te sačinila prijedlog projekata za predmetni Program, a kod raspodjele sredstava dodatni kriteriji bili su broj stanovnika svake općine prema zvaničnim podacima Federalnog zavoda za statistiku, zatim iznos budžeta općine za 2013. godinu, stepen razvijenosti infrastrukture na području svake općine, te ocjena uspješnosti realizacije projekata u prethodnom periodu.

U skladu sa članom 41. stav 4. Zakona o izvršavanju Budžeta Zeničko-dobojskog kantona za 2012. godinu, nakon donošenja ovog Programa, Ministarstvo će sa općinama Kantona potpisati sporazum, kojim će biti regulisan način utroška navedenih sredstava u skladu sa zakonom, odnosno kojim će biti definisane međusobne obaveze i način realizacije. U istom stavu citiranog člana je utvrđeno da ukoliko postupak ugovaranja ne provede općina, to može učiniti i Ministarstvo, a najkasnije do 31.12.2013. godine.

Za projekte utvrđene ovim Programom opredijeljeni iznosi kod realizacije smatraće se odobrenim iznosima, za šta nije potrebno donositi posebne zaključke Vlade. Ministarstvo može vršiti preraspodjelu planiranih sredstava između pojedinih projekata u okviru ukupno planiranih sredstava za pojedinu općinu, odnosno u okviru ukupno planiranih sredstava za stavke A, B i C ovog Programa. Svako uvećanje ukupno planiranih sredstava na stavkama plana (A-E) odobrava Vlada Kantona.

III KRITERIJI, PROCEDURA PREDLAGANJA I NAČIN UTROŠKA REZERVNIH SREDSTAVA ZA INTERVENTNE RADOVE

Programom se posebno utvrđuju kriteriji, na osnovu kojih Ministarstvo razmatra zahtjeve pojedinih općina i predlaže Vladi Zeničko-dobojskog kantona donošenje zaključaka o odobravanju sredstava iz ove stavke. Uslov za predlaganje projekta je da ispunjava jedan od slijedećih kriterija:

1. da je nastala hitnost u sanaciji, rekonstrukciji ili izgradnji vodnog objekta od interesa za Kanton i/ili općinu, ako prijeti neposredna opasnost od poplava, ako prijeti nastanak nestašice vode ili pogoršanja u snabdijevanju vodom, ako postoji opasnost od zagađenja vode ili je nastupilo zagađenje u obimu u kojem to predstavlja neposrednu opasnost po život i zdravlje stanovnika, ako postoji neposredna opasnost za zagađenje izvora vode za piće ili podzemnih i površinskih voda, uključujući i izradu projektne dokumentacije;
2. da se radi o sufinansiranju projekata od interesa za Kanton i/ili općinu za koje su sredstava obezbijedena iz drugih izvora, a za čiji završetak je neophodno obezbijediti dodatna sredstava, koja nisu planirana; iznos sredstava po ovom kriteriju ne može biti veći od 10% ukupne investicije nekog projekta;
3. da se radi o projektima koji su planirani po ovom Programu, za koje je u toku realizacije došlo do potrebe izvođenja naknadnih, dodatnih i/ili nepredviđenih radova, a čija realizacija je neophodna radi završetka jedne građevinske cjeline ili jedne faze radova; iznos sredstava po ovom kriteriju ne može biti veći od 10% ukupne investicije;
4. da se radi o aktivnosti koja je preduslov za realizaciju nekog od planiranih projekata iz ovog Programa (revizija projektne dokumentacije, izrada elaborata o zaštitnim zonama izvorišta i sl.);
5. svaki od navedenih kriterija mora ispunjavati i dodatni kriterij da ukupno odobrena sredstva za jednu općinu (za jedan ili više projekata) ne mogu prelaziti iznos od 20% od ukupno planiranih sredstava rezerve.

Sredstva rezerve se mogu trošiti i za ostale aktivnosti vezane za upravljanje vodama (izrada tehničke dokumentacije, podloga za izdavanje koncesija i dr.), u skladu sa članom 125, a u vezi sa članom 121. Zakona o vodama („Službene novine Zeničko-dobojskog kantona“ broj: 17/07).

Prijedlog zaključka o odobravanju sredstava rezerve podnosi Ministarstvo za poljoprivredu, šumarstvo i vodoprivredu Vladi Zeničko-dobojskog kantona, samoinicijativno ili na zahtjev općine.

Ukoliko se sredstva zaključkom Vlade transferišu na račun općine, ista je dužna da u tačno određenom roku utvrđenom u zaključku, dostavi Ministarstvu izvještaj o namjenskom utrošku odobrenih sredstava, zajedno sa pratećom dokumentacijom.

Plan ulaganja sredstava vodnih naknada za 2013. godinu

STAVKA PLANA	NAZIV STAVKE		Planirano 2013. (KM)
1	2		3
A	UPRAVLJANJE VODAMA		610.000,00
B	POSLOVI RAZVOJA UPRAVLJANJA VODAMA		250.000,00
C	RADOVI		3.770.000,00
D	PRENESENE OBAVEZE IZ PRETHODNE GODINE		1.119.504,09
E	SREDSTVA REZERVE		250.495,91
A+B+C+D+E	SVEUKUPNO		6.000.000,00
A	UPRAVLJANJE VODAMA		610.000,00
A	1	IZRADA STRATEŠKO-PLANSKE DOKUMENTACIJE OD INTERESA ZA KANTON	240.000,00
A	1.1.	Izrada katastra vodotoka II kategorije na području Zeničko-dobojskog kantona	50.000,00
A	1.2.	Izrada izmjena i dopuna Kantonalnog operativnog plana odbrane od poplava (KOP-a)	40.000,00
A	1.3.	Izrada elaborata hidroenergetskog korištenja voda na vodotocima II kategorije	100.000,00
A	1.4.	Izrada elaborata određivanja granica vodnog dobra uz vodotoke II kategorije u slivu rijeke Kočeve (ili Babine rijeke) - pilot projekat	50.000,00
A	2	AKTIVNOSTI UPRAVLJANJA VODAMA, OPREMANJE SEKTORA VODOPRIVREDE, KONSULTANTSKE USLUGE NA REALIZACIJI POSLOVA SEKTORA VODOPRIVREDE I PODIZANJE SVIJESTI O ZNAČAJU VODE	170.000,00
A	2.1.	Nabavka opreme u sektoru vodoprivrede nabavkom terenskog vozila, računara, kamere i druge prazeće opreme za obavljanje poslova monitoringa projekata koji se realizuju po Programu utroška vodnih naknada na području cijelog Kantona, te za nabavku software-a za vođenje informacionog sistema voda za Kanton	60.000,00
A	2.2.	Troškovi revizija, stručnih i ekspertnih mišljenja, pripreme projekata i aplikacija, koncesionih elaborata, troškovi edukacije, seminara, studijskih putovanja i drugih intelektualnih usluga	40.000,00
A	2.3.	Obilježavanje Svjetskog dana voda i godine međunarodne saradnje u oblasti voda, dana obnovljivih izvora energije iz domena korištenja voda kao obnovljivog resursa	20.000,00
A	2.4.	Podizanje javne svijesti o značaju vodnih resursa, podrška projektima u funkciji jačanja svijesti o značaju zaštite voda, prezentacija projekata i aktivnosti sektora voda u medijima	50.000,00
A	3	TEKUĆE I INVESTICIONO ODRŽAVANJE	200.000,00
A	3.2.	Vodni objekti za zaštitu od voda	170.000,00
A	3.2.1.	Preventivne aktivnosti i radovi odbrane od poplava na površinskim vodama II kategorije	100.000,00
A	3.2.2.	Interventne aktivnosti i radovi na održavanju vodotoka i zaštitnih vodnih objekata na vodotocima II kategorije i uređenih korita u urbanim područjima	70.000,00
A	3.1.	Vodni objekti za zaštitu voda	30.000,00
A	3.1.1.	Učešće u finansiranju troškova rada postrojenja za tretman urbanih otpadnih voda za 2013. godinu na području Kantona	30.000,00
B	POSLOVI RAZVOJA UPRAVLJANJA VODAMA		250.000,00
B	1	ISTRAŽIVANJE VODNIH RESURSA	130.000,00
B	1.1.	Istražni radovi na izvorištu Stijene radi utvrđivanja mogućnosti obezbjeđenja dodatnih količina pitke vode za potrebe vodoopskrbe Vareša, Breze i Visokog – hidrogeološki istražni radovi i istražno-eksploatacioni radovi	100.000,00
B	1.2.	Istražni radovi za potrebe vodosnabdijevanja naselja G. Kosova, općina Maglaj	30.000,00
B	2	PROJEKTNJA DOKUMENTACIJA	120.000,00
B	2.1.	Vodni objekti za korištenje voda	40.000,00
B	2.1.1.	Izrada projektne dokumentacije za vodovod Tešanj - Jugozapad i Radušu	40.000,00

STAVKA PLANA		NAZIV STAVKE	Planirano 2013. (KM)
1		2	3
B	2.2.	Vodni objekti za zaštitu voda	80.000,00
B	2.2.1.	Izrada glavnog projekta dijela primarnih kolektora fekalne kanalizacije na području općine Tešanj	50.000,00
B	2.2.2.	Izrada projektne dokumentacije za izgradnju kolektora otpadnih voda na rijeci Fojnica do lokaliteta "Luka", općina Visoko	30.000,00
C		RADOVI	3.770.000,00
C	1.	Zaštitni vodni objekti	155.000,00
C	1.1.	Uređenje korita rijeke Tešanjke u dužini od 260 m, općina Usora	25.000,00
C	1.2.	Djelimična regulacija rijeke Kočeve kod osnovne škole u MZ Lokvine, općina Zenica	70.000,00
C	1.3.	Odođenje oborinskih voda - glavni kolektor od škole do kanala Kraševo (nastavak izgradnje), općina Doboju-Jug	60.000,00
C	2.	Vodni objekti za korištenje voda	2.745.000,00
C	2.1.	Proširenje gradskog vodovoda na naselje Bukovik, općina Breza	100.000,00
C	2.2.	Lokalni vodovod za naselje Slivno, općina Breza	100.000,00
C	2.3.	II faza rekons. vodovoda Matuzići i spajanje sa vodovodom Mravići, Izgradnja distributivne mreže na potezu rasteretna komora "Vlasulje" - naselje Tukići u Mravićima, općina Doboju-Jug.	90.000,00
C	2.4.	Otplata kredita-rekonstrukcija vodovodnog sistema Kakanj	50.000,00
C	2.5.	Vodovod "Koprivnica - Banjevac", MZ Termoelektrana, općina Kakanj	70.000,00
C	2.6.	Vodovod "Dumanac", MZ Dumanac, općina Kakanj	50.000,00
C	2.7.	Vodovod "Varalići", MZ Krševac, općina Kakanj	70.000,00
C	2.8.	Vodovod "Javor", MZ Papratnica, općina Kakanj	50.000,00
C	2.9.	Rekonstrukcija vodozahvata "Dubu" Kopice (nastavak radova), općina Maglaj	20.000,00
C	2.10.	Izgradnja vodovoda naselja MZ "Ulišnjak", općina Maglaj	53.000,00
C	2.11.	Rekonstrukcija mjesnog vodovoda "Smajlovac" Jablanica, općina Maglaj	27.000,00
C	2.12.	Završetak projekta vodovoda "Olovske Luke", općina Olovo	60.000,00
C	2.13.	Projekat vodovod "Jelaške - Haluge", općina Olovo	75.000,00
C	2.14.	Završetak vodovoda "Malinovica" (naselja Bakići, Kruševo i Dolovi), općina Olovo	25.000,00
C	2.15.	Završetak vodovoda "Petrovići", općina Olovo	40.000,00
C	2.16.	Izgradnja vodovoda MZ Milankovići, općina Olovo	30.000,00
C	2.17.	Izgradnja vodovoda Medakovo – Trepče, općina Tešanj	180.000,00
C	2.18.	Izgradnja vodovoda Tepe-Hrvatinovići, općina Tešanj	50.000,00
C	2.19.	Nastavak izgradnje vodovoda "Pousorje" - spajanja bunara EMB1 na postojeći sistem, općina Tešanj	30.000,00
C	2.20.	Rekonstrukcija i sanacija vodovoda Bejići-Ularice-Makljenovac, općina Usora	35.000,00
C	2.21.	Proširenje vodovoda u MZ "Žabljak", općina Usora	40.000,00
C	2.22.	Rekonstrukcija kaptaže i dogradnja rezervoara na izvorištu "Lipa"	40.000,00
C	2.23.	Izgradnja vodovoda za MZ Kadarici - završetak projekta, općina Vareš	25.000,00
C	2.24.	Rekonstrukcija lokalnog vodovoda "Kučetine sa povećanjem kapaciteta i proširenjem zone vodosnabdijevanja, općina Visoko	100.000,00
C	2.25.	Rekonstrukcija lokalnog vodovoda u naselju Radinovići sa povećanjem kapaciteta i proširenjem zone vodosnabdijevanja, općina Visoko	100.000,00
C	2.26.	Izgradnja vodovoda "Vučjak" u MZ "Asim Čamdžić", općina Zavidovići	65.000,00
C	2.27.	Vodovod u MZ "Ribnica", općina Zavidovići	50.000,00
C	2.28.	Rekonstrukcija vodovodne mreže naselja Vozuća na području MZ "Vozuća", općina Zavidovići	80.000,00
C	2.29.	Izgradnja vodovoda "Kamen-Prosica" u MZ "Pašin konak", općina Zavidovići	20.000,00

STAVKA PLANA		NAZIV STAVKE	Planirano 2013. (KM)
1	2	3	
C	2.30.	Izgradnja vodovoda "Čavaljuša-Ravne" u MZ "Pašin konak", općina Zavidovići	30.000,00
C	2.31.	Vodovod naselja Kućice Cibava u MZ "Gostović, općina Zavidovići	40.000,00
C	2.32.	Sanacija vodovoda Donja Vrača - MZ „Donja Vrača”, općina Zenica	70.000,00
C	2.33.	Izgradnja vodovoda Mrgodići, općina Zenica	50.000,00
C	2.34.	Izgradnja rezervoara V=140 m3 za potrebe vodovoda Selište - MZ Ričice, općina Zenica	60.000,00
C	2.35.	Vodosnabdijevanje grupe naselja na padini brda Zvečaj - općina Zenica	60.000,00
C	2.36.	Priključenje naselja Gornji Čajdraš na gradsku vodovodnu mrežu, općina Zenica	60.000,00
C	2.37.	Rekonstrukcija vodovoda Vukotići, općina Zenica	50.000,00
C	2.38.	Izgradnja rezervoara V=200 m3 u Brizniku, općina Zenica	50.000,00
C	2.39.	Dovođenje novih količina vode sa izvorišta Loznik u naselje Nemila, općina Zenica	75.000,00
C	2.40.	Rekonstrukcija vodovoda Banjic, općina Zenica	50.000,00
C	2.41.	Dovođenje novih količina vode u naselje Šerići, općina Zenica	35.000,00
C	2.42.	Sanacija vodovoda Džomba, općina Zenica	80.000,00
C	2.43.	Rekonstrukcija vodovoda Gorica, općina Zenica	100.000,00
C	2.44.	Snabdijevanje vodom naselja MZ "Lug-Brankovići" i MZ "Donja Ozimica", općina Žepče	160.000,00
C	2.45.	Rješavanje pitanja vodosnabdijevanja u MZ Begov Han, Općina Žepče (ranije izgrađen vodovod), općina Žepče	50.000,00
C	3.	Vodni objekti za zaštitu voda	870.000,00
C	3.1.	Primarni kolektori fekalne kanalizacije općine Doboj-jug, kolektor II od nove džamije prema putu M-4	50.000,00
C	3.2.	Primarni kolektori fekalne kanalizacije općine Doboj-jug, kolektor III - izgradnja kanala - 6 "Škilje", općina Doboj-Jug	50.000,00
C	3.3.	Izgradnja kanalizacije Brnj, MZ Brnj, općina Kakanj	80.000,00
C	3.4.	Izgradnja kanalizacije "Modrinje", MZ Modrinje, općina Kakanj	40.000,00
C	3.5.	Izgradnja kanalizacije u MZ "Bjelavići - Obre polje", MZ Obre-Polje, općina Kakanj	60.000,00
C	3.6.	Izgradnja kanalizacije u MZ "Zgošća - Crnač", općina Kakanj	30.000,00
C	3.7.	Kanalizacija "Šije", MZ Šije, općina Tešanj	30.000,00
C	3.8.	Izgradnja dijela fekalne kanalizacione mreže u Varešu	100.000,00
C	3.9.	Izgradnja kanalizacione mreže u naselju Oštrac, MZ Buci, općina Visoko	70.000,00
C	3.10.	Izgradnja kanalizacione mreže u naselju "Podubravlje" MZ "Branioci grada", općina Zavidovići	40.000,00
C	3.11.	Fekalna kanalizacija za dio ulice Mehmed Spaho u MZ "Klek", općina Zavidovići	50.000,00
C	3.12.	Kanalizacija gornjeg dijela naselja Dragovac u MZ "Klek", općina Zavidovići	20.000,00
C	3.13.	Kanalizacija Perin Han - MZ „Perin Han”, općina Zenica	50.000,00
C	3.14.	Kanalizacija Podbrežje - MZ „Podbrežje”, općina Zenica	50.000,00
C	3.15.	Izgradnja kanalizacije Gnjsi, općina Zenica	50.000,00
C	3.16.	Izgradnja kanalizacije Banlozi, općina Zenica	50.000,00
C	3.17.	Izgradnja fekalne kanalizacije Ljubetovo, općina Zenica	50.000,00

STAVKA PLANA		NAZIV STAVKE	Planirano 2013. (KM)
1		2	3
D		PRENESENE OBAVEZE IZ PRETHODNE GODINE	1.119.504,09
D	1	<i>Vodni objekti za korištenje voda</i>	878.969,87
D	1.1.	Izgradnja vodovoda za naseljena mjesta Trtorici i Opreč, MZ Slivno i MZ Bukovik, općina Breza	94.000,00
D	1.2.	Rekonstrukcija filtera na pumpnoj stanici "Medića pumpa", općina Breza	456,00
D	1.3.	Izgradnja vodovoda Alagići, općina Kakanj	17.962,83
D	1.4.	Izgradnja vodovoda Brus, općina Kakanj	11.774,16
D	1.5.	Izgradnja vodovoda Sopotnica, općina Kakanj	10.425,29
D	1.6.	Uređaj za tretman vode sa otvorenog zahvata Duba za potrebe vodovoda naselja Kopice, općina Maglaj	44.456,18
D	1.7.	Rekonstrukcija sekundarne gradske vodovodne mreže, općina Olovo	19.000,00
D	1.8.	Vodovod Oraš-Planje, općina Tešanj	130.090,72
D	1.9.	Izgradnja vodovoda Medakovo-Trepče, općina Tešanj	80.124,93
D	1.10.	Izgradnja prstena u poslovnoj zoni Ozrakovići-Arnautovići, općina Visoko	100.000,00
D	1.11.	Dogradnja vodovoda Gornja Zimča, MZ Zimča, općina Visoko	22.000,00
D	1.12.	Izgradnja vodozahvata na Podvinskom potoku, lokalitet Sastavci-nadzor, općina Visoko	338,00
D	1.13.	Izgradnja vodovoda naselja Lijeveča i Davulije u MZ Gostović, općina Zavidovići	37.460,08
D	1.14.	Izgradnja vodovoda "Kamen-prosica" u MZ Pašin konak, općina Zavidovići	19.118,02
D	1.15.	Izgradnja vodovoda "Keseri" u MZ Krivaja, općina Zavidovići	14.000,43
D	1.16.	Izgradnja vodovoda Gornji Mustajbašići, MZ Kovači, općina Zavidovići	40.000,00
D	1.17.	Vodovod Gujin kamen Osječani, MZ Vozuća, općina Zavidovići	15.000,00
D	1.18.	Priključak naselja Luke na gradski vodovod, općina Zenica – dio za nadzor	345,10
D	1.19.	Izgradnja vodovoda Gornji Brist-Zmajevačka cesta-Gornja Ravan, općina Zenica - dio za nadzor	158,75
D	1.20.	Sanacija vodovoda Donja Vraca, MZ Donja Vraca, općina Zenica	50.000,00
D	1.21.	Izgradnja vodovoda Mrgodići, općina Zenica	22.977,19
D	1.22.	Izrada projektne dokumentacije za rekonstrukciju vodovoda Jastrebac, općina Zenica	9.500,00
D	1.23.	Izrada projektne dokumentacije za razvodnu mrežu Gorica, općina Zenica	10.000,00
D	1.24.	Izrada projektne dokumentacije za rekonstrukciju vodovoda "Kršćanac" u naselju Jezero, općina Zenica	6.019,00
D	1.25.	Izrada projektne dokumentacije za pumpnu stanicu Vrdilo i razvodnu mrežu iz gl.rez. U Brizniku, općina Zenica	6.040,00
D	1.26.	Izrada projektne dokumentacije za pumpnu stanicu sa potisnim cjevovodom u Gladovićima, općina Zenica	7.750,00
D	1.27.	Izrada projektne dokumentacije za rekonstrukciju vodovoda "Barica" u naselju Mulići, općina Zenica	8.210,00
D	1.28.	Rekonstrukcija vodovoda Smajići-izrada projekta, općina Zenica	12.155,00
D	1.29.	Rezervoar za glavni vodovod V 500 m3 za gornju zonu i donju zonu na lokalitetu Križ, općina Žepče	89.608,19
D	2	<i>Vodni objekti za zaštitu voda</i>	199.804,68
D	2.1.	Izgradnja kanalizacije Modrinje, općina Kakanj	59.891,72
D	2.2.	Kanalizacija Malješ, općina Kakanj	12.133,43
D	2.3.	Izrada projektne dokumentacije za gradski kolektor na potezu od betonskog mosta do izlaza N.Luke; općina Visoko	18.632,00
D	2.4.	Kanalizacija Potklečje općina Zavidovići	24.000,00

STAVKA PLANA		NAZIV STAVKE	Planirano 2013. (KM)
1		2	3
D	2.5.	Kanalizacija naselja Gnjusi, MZ Raspotočje, općina Zenica	27.897,53
D	2.6.	Izgradnja kanalizacije Banlozi, općina Zenica	50.000,00
D	2.7.	Izrada projektne dokumentacije za kanalizaciju Kolići, općina Zenica	1.500,00
D	2.8.	Izrada projektne dokumentacije za kanalizaciju Janjac, općina Zenica	5.750,00
D	3	Vodni objekti za zaštitu od voda	40.729,54
D	3.1.	Uređenje desne obale rijeke Bosne u Maglaju uzvodno od gradskog mosta 1000 m i nizvodno 100 m (nastavak radova)	40.729,54
E		SREDSTVA REZERVE	200.495,91
UKUPNO (A+B+C+D+E) :			6.000.000,00

Broj: 02-_____ /13
Datum, 25.04.2013. godine
Z e n i c a

PREMIJER

mr.sci. Fikret Plevljak, dipl.ing.

DOSTAVLJENO:

1x Ministarstvo za poljoprivredu, šumarstvo i
vodoprivredu,
1x Ministarstvo finansija,
1x a/a.